

Broj: 01-02-21-6/24  
Sarajevo, 05.2.2025. godine

**PREDSTAVNIČKI DOM PARLAMENTA FBiH**  
**n/r gosp. Admir Čavalić, zastupnik**

**PREDMET:** Odgovor na zastupničko pitanje, *dostavlja se*

BOSNA I HERCEGOVINA  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno:		12-02-2025	
Org. jed.	Broj	Priloga	Vrijednost
05/1	- 02-	540	/24

Poštovani,

Vlada Federacije Bosne i Hercegovine prepoznaje značaj Ekonomsko-socijalnog vijeća kao ključnog mehanizma za socijalni dijalog i unapređenje ekonomskih i socijalnih politika. U tom kontekstu, posvećeni smo osiguravanju njegovog redovnog i učinkovitog funkcionisanja.


Na sjednici održanoj 4. maja 2023. godine, Vlada Federacije Bosne i Hercegovine donijela je rješenje kojim je u Ekonomsko-socijalno vijeće ispred Vlade Federacije Bosne i Hercegovine imenovala nove članove i tako ispunila svoju obavezu u formiranju novog saziva Vijeća. Međutim, uprkos preduzetim koracima, sjednice Vijeća nisu mogle biti održavane sve do kraja 2024. godine, prvenstveno zbog činjenice da predstavnici sindikata nisu delegirali svoje članove u Vijeće, što je onemogućilo njegovo formalno funkcionisanje.

Ipak, i u tom periodu, Vlada Federacije Bosne i Hercegovine je aktivno provodila socijalni dijalog kroz direktne sastanke sa svim relevantnim akterima, uključujući Udruženje poslodavaca Federacije BiH, granske sindikate i Savez samostalnih sindikata Bosne i Hercegovine. Ovi sastanci omogućili su kontinuiranu razmjenu mišljenja i usaglašavanje stavova o ključnim pitanjima iz oblasti ekonomskih i socijalnih politika.

Nakon što su svi socijalni partneri imenovali svoje predstavnike, 24. decembra 2024. godine održana je konstituirajuća sjednica Ekonomsko-socijalnog vijeća, na kojoj je za predsjednika izabran gospodin Safudin Čengiđ, a verificirani su članovi delegacija iz Udruženja poslodavaca, sindikata i Vlade Federacije Bosne i Hercegovine. Time su stvoreni formalni uslovi za nastavak rada Vijeća.

Ekonomsko-socijalno vijeće Federacije Bosne i Hercegovine nastavit će raditi na jačanju saradnje između socijalnih partnera i kroz zajedničke inicijative težiti postizanju ravnoteže između ekonomskih potreba i socijalne sigurnosti. Vlada Federacije Bosne i Hercegovine ostaje posvećena ovom dijalogu i vjeruje da će Vijeće nastaviti doprinositi stabilnosti i razvoju Federacije Bosne i Hercegovine u skladu s najboljim praksama i strateškim ciljevima.

S poštovanjem,

**DIREKTOR**  
  
**Arijana Huseinović-Ajanović**

Dostaviti:  
- Naslovu  
- a/a